



### ZAHTJEV TUŽILASTVA BiH NAKON AKCIJE "BENELUKS"

# Zatražen pritvor za uhapšenu četvorku

D. SLADOJEVIĆ

**SARAJEVO** - Tužilaštvo BiH zatražilo je od Suda BiH da odredi pritvor četvorici uhapšenih zbog terorizma u akciji "Beneluks", potvrđeno je iz Tužilaštva.

Riječ je o Švedaninu Osmanu Abdelu Salamu (53), Sarajlijama Amaru Šljivi (40) i Enveru Džanki (42), te Adisu Ramiću (36) iz Visokog. Većina ih se branila ćutnjom. Sud BiH trebalo bi na današnjem ročištu da odluči o prijedlogu Tužilaštva BiH za određivanje mjere pritvora.

"Prema prikupljenim dokazima, oni su zajedno i u dogovoru sa drugim osobama na području Švedske i Holandije, za određen iznos novca, na području BiH konstruisali i nabavili eksplozivnu napravu velike razorne moći, s mogućnošću daljinskog aktiviranja, a s namjerom izvršenja terorističkog akta u Švedskoj", naveli su iz Tužilaštva BiH.

Kako su dodali, za njih je pritvor predložen zbog opasnosti da bi na slobodi mogli ometati istragu, prikrivati dokaze i uticati na svjedoke ili saučelnike, te da bi mogli počiniti novo krivično djelo ili završiti započeto.

"Takođe, mjera pritvora za



osumnjicenog Osmana Abdela Salama predložena je zbog opasnosti od bjekstva, jer se radi o državljaninu Švedske, koji bi bjekstvom mogao postati nedostupan pravosuđu BiH", navedeno je u saopštenju iz Tužilaštva BiH.

Oni su otkriveni i pohapšeni tokom pokušaja krijumčarenja eksplozivne naprave izvan granica BiH, a tada je ta bomba pronađena i oduzeta.

Podsjetimo, pali su u petak, s tim što su pripadnici Državne

agencije za istrage i zaštitu (SIPA) njih trojicu uhapsili u pograničnom prostoru, a jednog na području Sarajeva.

Ubrzo potom, u petak naveče, SIPA je saopštila da je u sklopu ove akcije uhapsila i Ž.M. (41), koji, ipak, nije spomenut u jučerašnjem saopštenju Tužilaštva BiH u vezi s pritvorom.

Međutim, policija Švedske demantovala je da su osobe koje su uhapšene u akciji "Beneluks" povezane s terorizmom, već je, kako tvrde, riječ o sukobu između kriminalnih grupa.

"Ovo nije nikakva teroristička istraga, već je u vezi s istragom koju vodimo u Malmeu već duže vrijeme", kazala je Lota Hanson, šef Odjela za komunikacije policije regije Skane u Švedskoj.

**EKSPLOZIV  
Na području BiH  
konstruisali i  
nabavili eksplozivnu  
napravu**